

第五四五冊

博物彙編

草木典

(卷)

鼠麴部 鼠尾部 鳶尾部 爵牀部
鵝抱部 雞腸草部 鴨跖部
草部 鰓腸部 蠶繭草部 醉
魚草部 螺曆草部
菟絲子部 濕藍子部 九仙子部
槭藤子部 預知子部 續隨子部
使君子部 五味子部 白欒子部
黃蘗子部 解毒子部 牽牛子部
木鼈子部
肉蓯蓉部 見腫消部 百脉根部
骨碎補部 鬼督郵部 徐長卿部 劉寄奴部 蒲公英部
一七 一六 一五

何首烏部 威靈仙部 仙人掌部
仙人杖部 白頭翁部 補骨脂部
天南星部 天門冬部
天名精部 巴戟天部 辟瘟雷部
火炭母部 麥門冬部
地楊梅部 陰地厥部 赤地利部
錦地羅部 山慈姑部 山豆根部
石長生部 石胡荽部
石香薷部 石龍芻部 硃砂根部
海金沙部 縮砂薔部 水楊梅部
水甘草部 土茯苓部
秦艽藜部 蜀羊泉部
千歲藥部 千里及部 百兩金部
半邊蓮部 荆三稜部 醍醐部
一五 一四 一三

萊部 槌胡根部 延胡索部
淡竹葉部 蓬莪茂部
高良薑部 昨葉何部 胡盧巴部
釵子股部 欒倒甌部 押不蘆部
白龍鬚部 白兔菴部 紫金牛部
土馬驪部 馬兜鈴部 淫羊藿部
羊躑躅部 番木鱉部
烏鼓莓部 落膽木部 鴈來紅部
蜘蛛香部 草石蠶部 地蜈蚣部
桑上寄生部 王不留行部 紫花地丁部
紫背金盤部 獨用將軍部
赤車使者部 伏雞子根部
越王餘算部
一五 一四

古今圖書集成

中華書局影印

Z 225

3

欽定古今圖書集成博物彙編草木典

第一百六十八卷目錄

鼠麴部彙考

鼠麴圖

本草綱目 鼠麴草

鼠尾部彙考

鼠尾圖

爾雅 鼠草

徐光啓農政全書 鼠尾草

本草綱目 鼠尾草

蒿尾部彙考

蒿尾圖

本草綱目 蒿尾

爵牀部彙考

爵牀圖

本草綱目 爵牀

鵝抱部彙考

鵝抱圖

本草綱目 鵝抱

雞腸草部彙考

雞腸草圖

徐光啓農政全書 雞腸草

本草綱目 雞腸草

雞腸草部藝文

與林子中尺牘

鴨跖草部彙考

鴨跖草圖

朱蘇軾

本草綱目 鴨跖草

鴨跖草部藝文

碧蟬花

碧蟬花

鴨跖草部紀事

鱧腸部彙考

鱧腸圖

本草綱目 鱧腸

蠶繭草部彙考

本草綱目 蠶繭草

醉魚草部彙考

醉魚草圖

本草綱目 醉魚草

螺曆草部彙考

螺曆草圖

本草綱目 螺曆草

草木典第一百六十八卷

鼠麴部彙考

釋名

鼠麴 鼠麴

香茅 拾遺

米麴 綱目

無心草 綱目

茸母 綱目

宋楊巽齋

翁元廣

鼠耳 別錄

黃蒿 音蒿

佛耳草 法象

毛耳朶 綱目

鼠麴圖

本草綱目

鼠麴草釋名

李時珍曰麴言其花黃如麴色又可和米粉食也鼠耳言其葉形如鼠耳又有白毛蒙茸似之故北人呼爲茸母佛耳則鼠耳之訛也今淮人呼爲毛耳朶則香茅之茅似當作毛安段成式雜俎云蚺蜍酒草鼠耳也一名無心草豈蚺蜍食此故有是名耶

集解

別錄曰鼠耳一名無心生田中下地厚葉肥莖

陳藏器曰鼠麴草生平岡熟地高尺餘葉有白毛黃花荆楚歲時記云三月三日取鼠麴汁蜜和爲粉謂之龍舌料以壓時氣拌音板米餅也山南人呼爲香茅取花雜樺皮柴燻至破猶鮮江西人呼爲鼠耳草也

汪機曰佛耳草微人謂之黃蒿二三月苗長尺許葉似馬齒莧而細有微白毛花黃土人采莖葉和米粉搗作糕果食

李時珍曰日華本草鼠麴卽別錄鼠耳也唐宋諸家

不知乃退鼠耳入有名未用中李杲藥類法象用佛耳草亦不知其即鼠耳也原野間甚多二月生苗莖葉柔軟葉長寸許白茸如鼠耳之毛開小黃花成穗結細子楚人呼爲米麴北人呼爲茸母故邵桂子甕天語云北方寒食采茸母草和粉食宋徽宗詩茸母初生認禁烟者是也

氣味

甘平無毒

別錄曰鼠耳酸無毒

李杲曰佛耳草酸性熱款冬花爲之使宜少食之過則損目

主治

別錄曰鼠耳主痺寒寒熱止欬

陳日華曰鼠麴調中益氣止洩除痰歷時氣去熱嗽

雜米粉作糗食甜美

李杲曰佛耳治寒嗽及痰除肺中寒大升肺氣

發明

朱震亨曰治寒痰嗽宜用佛耳草熱痰嗽宜用燈籠

草

李時珍曰別錄云治寒熱止嗽東垣云治寒嗽言其

標也日華云治熱嗽言其本也大抵寒嗽多是火鬱

於內而寒覆於外也按陳氏經驗方云三奇散治一

切咳嗽不問久近晝夜無時用佛耳草五十文款冬

花二百文熟地黃二兩焙研末每用二錢於爐中燒

之以筒吸烟嚥下有涎吐去予家一獲久病此醫治

不效偶在阮州得一婢用此法兩服而愈也

鼠尾部彙考

釋名

蒟蒻

陵翹

水青

山陵翹

鼠尾

鳥草

鼠菊

鼠尾圖



爾雅

釋草

蒟蒻尾

注可以染阜草也一名蒟一名鼠尾

本草有白華者有赤華者又一名陵翹陶註云田

野甚多人採作滋染阜草是也

徐光啓農政全書

鼠菊考

本草名鼠尾草一名蒟一名陵翹出黔州及所在平

澤有之今鈞州新鄆岡野間亦有之苗高一二尺葉似菊花葉微小而肥厚又似野艾蒿葉而脆色淡綠莖端作四五穗穗似車前子穗極疎細開五瓣淡粉紫色花又有赤白二色花者黔中者苗如蒿爾雅謂蒟蒻尾可以染阜草味苦性微寒無毒

救微

採葉燂熟換水浸去苦味再以水淘令淨油鹽調食本草綱目

鼠尾草釋名

李時珍曰鼠尾以穗形命名爾雅云蒟蒻尾也可以染皂故名鳥草又曰水青蘇頌圖經謂鼠尾一名陵翹者乃陵翹之誤也

集解

別錄曰鼠尾生平澤中四月采葉七月采花陰乾

陶弘景曰田野甚多人采作滋染阜

韓保昇曰所在下濕地有之惟黔中人采爲藥葉如

蒿草端夏生四五穗穗若車前花有赤白種

陳藏器曰紫花莖葉俱可染皂用

花葉氣味

苦微寒無毒

陳藏器曰平

花葉主治

別錄曰鼠尾寒熱下痢膿血不止白化者主白下赤

花者主赤下

李時珍曰主瘡疾水蠱

陶弘景曰古方療痢多用之當濃煮令可丸服之或

煎如飴服今人亦用作飲或末服亦得日三服

附方

大腹水蠱方見馬鞭草下

久痢休息時止時作鼠尾草花搗末飲服一錢聖方

下血連年鼠尾草地榆二兩水二升煮一升頓服二

十年者不過再服亦可為末飲服之千金

反花惡瘡內生惡肉如飯粒破之血出隨生反出於

外鼠尾草根切同猪脂搗聖濟總錄

鳶尾部彙考

釋名

鳶尾 本經

烏鳶 綱目

烏園 本經

鳶頭 綱目

鳶尾圖



本草綱目

鳶尾釋名

李時珍曰並以形命名烏園當作烏鳶

集解

別錄曰烏鳶生九疑山谷五月采

陶弘景曰方家言是射干苗而主療亦異當別是一

種方用鳶頭當是其根療體相似而本草不題

蘇恭曰此草所在有之人家亦種葉似射干而闊短

不抽長莖花紫碧色根似高良薑皮黃肉白嚼之戟

人咽喉與射干全別射干花紅抽莖長根黃有白

韓保昇曰葉名鳶尾根名鳶頭亦謂之鳶根葉似射

干布地生黑根似高良薑而節大數個相連九月十

月采根日乾

李時珍曰此即射干之苗非別一種也肥地者莖長

根粗瘠地者莖短根瘦其花自有數色諸家皆是強

分陳延之小品方言東海鳶頭即由跋者亦訛也東

海出之故耳

氣味

苦平有毒

蘇恭曰有小毒

主治

本經曰蠱毒邪氣鬼疰諸毒破癥瘕積聚去水下三

蟲 別錄曰殺鬼魅療頭眩

附方

飛尸遊蠱著喉中氣欲絕者鳶尾根削去皮納喉中

磨病處令血出為佳陳藏器本草拾遺

鬼魅邪氣四物鳶頭散東海鳶頭黃牙即金牙良若

子防葵為末酒服方寸匕欲令病人見鬼增防葵一

分欲令知鬼又增一分立驗不可多服陳藏器小品方

爵牀部彙考

釋名

爵牀 本經

香蘇 別錄

爵麻 本經

赤眼老母草

爵牀圖



本草綱目

爵牀釋名

李時珍曰爵牀不可解按吳氏本草作爵麻甚通

集解

別錄曰爵牀生漢中川谷及田野

蘇恭曰此草生平澤熟田近道旁似香茅葉長而大

或如荏且細俗名赤眼老母草

李時珍曰原野甚多方壟對節與大葉香薷一樣但

香薷揉之氣香而爵牀揉之不香微臭以此爲別

草葉氣味

鹹寒無毒

李時珍曰微辛

莖葉主治

本經曰腰脊痛不得措牀倪仰艱難除熱可作浴湯

蘇恭曰療血脹下氣治杖瘡搗汁塗之立瘥

鵝抱部彙考

釋名

鵝抱

鵝抱圖



本草綱目

鵝抱集解

蘇頌曰生宜州山林下附石而生作蔓似大豆其根

形似萊菔大者如三升器小者如拳二月八日采根

切片陰乾用

氣味

苦寒無毒

主治

蘇頌曰風熱上壅咽喉腫痛及解鬱箭藥毒搗末酒

服有效亦消風熱結毒酒摩塗之立愈

雞腸草部彙考

釋名

雞腸草

舊經

雞腸菜

農政全書

雞腸草圖



徐光啓農政全書

雞腸菜考

生南陽府馬鞍山荒野中苗高一尺許莖方色紫其

葉對生葉似菱葉樣而無花又似小灰菜葉形樣

微區開粉紅花結盤子萌兒葉味甜

救饑

採苗葉煤熟水淘淨油鹽調食

本草綱目

雞腸草集解

陶弘景曰人家園庭亦有此草小兒取授汁以將蜘蛛網至粘可捉蟬

蘇恭曰此即繁縷也剥出此條

李時珍曰雞腸生下濕地三月生苗葉似鵝腸而色微深草帶紫中不空無縷四月有小草開五出小紫花結小實中有細子其苗作蔬不如鵝腸故別錄列繁縷于菜部而列此于草部以此故也蘇恭不識疑為一物誤矣生嚼涎滑故可捉蟬鵝腸生嚼無涎亦自可辨鄭樵通志謂雞腸似蓼而小其味小辛非繁縷者得之又石胡荽亦名雞腸草與此不同

氣味

微辛苦平無毒

甄權曰苦

徐之才曰微寒

主治

別錄曰毒腫止小便利

陶弘景曰療蠅蝮瘡

甄權曰主遺溺洗手足傷水爛

孟詵曰五月五日作灰和鹽療一切瘡及風丹遍身痒痛亦可搗封日五六易之作菜食益人去脂膏毒氣又燒傳疳廔取汁和蜜服療小兒赤白痢甚良蘇頌曰研末或燒灰指齒去宣露

附方

止小便利雞腸草一斤於豆豉汁中煮和米作羹及粥頗食之食醫心鏡

小兒下痢赤白雞腸草搗汁一合和蜜服甚良孟詵食療氣淋脹痛雞腸草三兩石韋去毛一兩每用三錢水

一盞煎服聖藥

風熱牙痛浮腫發熱元氣虛小兒疳蝕雞腸草早運草細辛等分爲末每日擦三次名祇痛散普濟方

發背欲死雞腸草搗傳之附方

反花惡瘡雞腸草研汁拂之或爲末猪脂調擦極效正蒙方

正蒙方

一切頭瘡雞腸草燒灰和鹽傳之孟詵食療

漆瘡癢痒雞腸草搗傳之附方

射工中人成瘡者以雞腸草搗塗之經日即愈盧氏方

雞腸草部藝文

與林子中尺牘

宋蘇軾

某啓惠貺二團領意至厚感忤無已所要雞腸草未有生者比有一惑爐火人收得少許納去老兄亦有此惑故耶却直耽此極深僕有一方遂爲取去可就問傳取也奇絕奇絕

鴨跖草部彙考

釋名

鴨跖草拾遺

竹雞草綱目

淡竹葉綱目

碧蟬花綱目

芥雞古草拾遺

碧竹子拾遺

竹葉菜綱目

耳環菜綱目

藍姑草綱目

鴨跖草圖



本草綱目

鴨跖草釋名

陳藏器曰鴨跖生江東淮南平地葉如竹高一二尺花深碧好爲色有角如鳥嘴

李時珍曰竹葉菜處平地有之三四月生苗紫莖竹葉嫩時可食四五月開花如蛾形兩葉如翅碧色可愛結角尖曲如鳥喙實在角中大如小豆豆中有細子灰黑而皺狀如糞尿巧匠采其花取汁作畫色及彩羊皮燈青碧如黛也

苗氣味
苦大寒無毒

苗主治

陳藏器曰寒熱瘧瘥飲丁腫肉微溫滯小兒丹毒發熱狂癩大腹痞滿身面氣腫熱痢蛇犬咬癰疽等毒
大明曰和赤小豆煮食下水氣濕痹利小便
李時珍曰消喉痹

附方

小便不通竹雞草一兩車前草一兩搗汁入蜜少許
空口服之方集

下痢赤白藍姑草即淡竹葉煎湯日服之方集
喉痺腫痛鴨跖草汁點之方集

五痔腫痛耳環草碧蟬兒花按軟納患處即效方集

鴨跖草部藝文詩

碧蟬花

宋楊異齋

揚葩款款傍疎籬薄翅舒青勢欲飛幾誤佳人將扇
撲始知錯認枉心機

碧蟬花

翁元廣

露洗芳容別種青嬌頭微弄曉風輕不須強入羣芳
社花譜原無汝姓名

鴨跖草部紀事

永嘉郡記青田縣有草葉似竹可染碧名為竹青此
地所豐草故名青田

體腸部彙考

釋名

體腸唐本草

墨菜綱目

蓮子草唐本草

旱蓮草綱目

金陵草綱目

糊猴頭受用

墨烟草綱目

墨頭草綱目

豬牙草綱目

體腸圖



本草綱目

體腸釋名

李時珍曰體腸魚也其腸亦烏此草柔莖斷之有墨
汁出故名俗呼黑菜是也細實頗如蓮房狀故得蓮
名

集解

蘇恭曰體腸生下濕地所在坑渠間多有苗似旋覆
二月八月采陰乾
蘇頌曰處處有之南方尤多此有二種一種葉似柳

而光澤整似馬齒莧高一二尺開花細而白其實若
小蓮房蘇恭謂似旋覆者是也一種苗梗枯瘦頗似
蓮花而黃色實亦作房而圓南人謂之連翹者二種
折其苗皆有汁出須臾而黑格謂之旱蓮子亦謂之
金陵草

李時珍曰旱蓮有二種一種苗似旋覆而花白細者
是體腸一種花黃紫而結房如蓮房者乃是小連翹
也爐火家亦有之見連翹條

草氣味

甘酸平無毒

草主治

唐本草曰血痢鍼灸瘡發出血不可止者傳之立已
汁塗眉髮生速而繁

李時珍曰烏髮髮益腎陰

大明曰止血排膿通小腸傳一切瘡並驚癇

蕭炳曰膏點鼻中添腦

附方

金陵煎益髮髮變白為黑金陵草一秤六月以後收
採揀青嫩無泥土者不用洗摘去黃葉爛搗新布絞
取汁以紗絹濾過入通油器鉢盞之日中煎五日又
取生薑一斤絞汁白蜜一斤合和日中煎以柳木篋
攪勿停手待如稀餹藥乃成矣每日及午後各服一
匙以溫酒一盞化下如欲作丸日中再煎令可丸大
如梧子每服三十九及時多合為佳其效甚速人千
金月
烏髮固齒攝生妙用方七月取旱蓮草連根一斤用
無灰酒洗淨青鹽四兩淹三宿同汁入油鍋中炒存

性研末日用擦牙連津嚥之 又法旱蓮取汁同鹽

煉乾研末擦牙 奉親養老書旱蓮散烏髭固牙溫

尉云納合相公用此方年七十鬚髮不白思求始得

後遇張經始傳分兩也旱蓮草一兩半麻姑餅三兩

升麻青鹽各三兩半訶子連核二十箇皂角三挺月

蠶沙二兩為末薄醋麪糊丸彈子大曬乾入泥瓶中

火煨令烟出存性取出研末日用揩牙

偏正頭痛鯉腸草汁滴鼻中

一切眼疾醫眼遮障涼腦治頭痛能生髮五月五日

平日合之蓮子草一握蔞葉一握油一斤同浸密封

四十九日每臥時鐵匙點藥摩頂上四十九遍久

甚佳

繫背截毒旱蓮草搥爛男左女右置寸口上以古文

錢壓定帛繫住良久起小泡謂之天灸其毒即止甚

效

小便溺血金陵草一名墨頭草車前草各等分杵取

自然汁每空心服三杯愈乃止

腸風臟毒下血不止旱蓮子草瓦上焙研末每服二

錢米飲下

痔漏瘡發旱蓮草一把連根鬚洗淨用石臼搗如泥

以極熱酒一盞衝入取汁飲之滓傳患處重者不過

三服即安太僕少卿王鳴鳳患此策杖方能移步履

之得瘥累治有驗

疔瘡惡腫五月五日收旱蓮草陰乾仍露一夜收遇

疾時嚼一葉貼上外以消毒膏護之二三日疔脫

風牙疼痛獬頭草入鹽少許於掌心揉擦即止

方

蠶繭草部彙考

圖缺

本草綱目

蠶繭草集解

陳藏器曰生濕地如蓼大莖赤花白東土亦有之

氣味

辛平無毒

主治

陳藏器曰諸蟲如蠶類咬人恐毒入腹煮服之亦搗

傳諸瘡

醉魚草部彙考

釋名

醉魚草

開魚花

魚尾草

桃木



醉魚草圖

醉魚草集解

李時珍曰醉魚草南方處處有之多在陂澤邊作小
株生高者三四尺根狀如枸杞莖似黃荊有微稜外
有薄黃皮枝易繁衍葉似水楊對節而生經冬不凋
七八月開花成穗紅紫色儼如芫花一樣結細子漁
人采花及葉以毒魚盡圍圍而死呼為醉魚兒草池
沿邊不可種之此花色狀氣味並如芫花毒魚亦同
但花開不同時為異爾按山海經云熊耳山有草焉

其狀如蘇而赤華名曰葶藶可以毒魚其此草之類與

花葉氣味

辛苦溫有小毒

花葉主治

李時珍曰痰飲成胸遇寒便發取花研末和米粉作
糗炙熟食之即效又治誤食石斑魚子中毒吐不止
及諸魚骨鯁者搗汁和冷水少許嚥之吐即止骨即
化也久瘧成癰者以花填鯽魚腹中濕紙裏煨熟空
心食之仍以花和海粉搗貼便消

螺厝草部彙考

釋名

螺厝草

鏡面草

綱目

螺厝草圖



本草綱目

螺厝草釋名

李時珍曰皆象形也

集解

陳藏器曰蔓生石上葉狀似螺厝微帶赤色而光如
鏡背有少毛小草也

氣味

辛

主治

陳藏器曰癰腫風疹脚氣腫搗爛傅之亦煮湯洗腫
處

李時珍曰治小便出血吐血衄血齒齕痛

發明

李時珍曰按陳日華經驗方云年二十六忽病小便
後出鮮血數點而不疼如是一月飲酒則甚市醫張
康以草藥汁一器入少蜜水進兩服而愈求其方乃
鏡面草也

附方

吐血衄血鏡面草水洗搗酒服朱氏集

牙齒蟲痛乾坤生意用鏡面草不拘多少以水缸下

泥同搗成膏入香油二三點研勻貼於疼處立止

楊氏家藏方用鏡面草半握入麻油二點鹽半捻按

碎左疼塞右耳右疼塞左耳以薄泥餅貼耳門閉其

氣仍臥臥泥耳一二時去泥取草放水中有蟲浮

出久者黑次者褐新者白須於午前用之徐克安一

乳婢苦此不能食用之出數蟲而安

小兒頭瘡鏡面草曬乾為末和輕粉麻油傅之立效

楊氏家藏方

手指腫毒又指惡瘡消毒止痛鏡面草搗爛傅之成書

方神

蛇纏惡瘡鏡面草入鹽杵爛傅之妙

解鼠莽毒鏡面草自然汁清油各一杯和服即下毒

三五次以肉粥補之不可遲張氏說

欽定古今圖書集成博物彙編草木典

第一百六十九卷目錄

菟絲子部彙考

菟絲子圖

詩經鄒風桑中 小雅碩弁

爾雅釋草

毛詩陸疏廣要周典文庫

毛詩名物解唐

詩集傳名物鈔宋中一章

本草綱目菟絲子

菟絲子部藝文一

菟絲贊

菟絲子部藝文二詩

詠菟絲

古意

菟絲

菟絲

菟絲子部選句

菟絲子部雜錄

漏籃子部彙考

本草綱目漏籃子

九仙子部彙考

九仙子圖

本草綱目九仙子

檉藤子部彙考

檉藤子圖

稽含南方草木狀檉藤



本草綱目檉藤子

預知子部彙考

預知子圖

本草綱目預知子

續隨子部彙考

續隨子圖

本草綱目續隨子

草木典第一百六十九卷

菟絲子部彙考

釋名

唐青經

蒙爾雅

菟絲爾雅

菟蘆本草

離火蘭拾遺

金線草綱目

菟絲子圖

女蘿詩經

玉女爾雅

菟丘爾雅

菟縷別錄

火線草綱目

野狐絲綱目



詩經

鄒風桑中

爰采唐矣沫之鄉矣

唐蒙菜名 釋草云唐蒙女蘿女蘿菟絲舍人

曰唐蒙名女蘿女蘿又名菟絲孫炎曰別三名郭璞曰別四名則唐與蒙或并或別故三四異也以經直言唐而傳言唐蒙也頌弁傳曰女蘿菟絲松蘿也則又名松蘿矣釋草文云蒙玉女孫炎曰蒙唐也一名菟絲一名玉女則通松蘿玉女為六名

朱唐蒙菜也一名菟絲全本草曰生田野蔓延草木之上

小雅頌弁

葛與女蘿施于松柏又葛與女蘿施于松上

傳女蘿菟絲松蘿也 注女蘿在草曰菟絲在木曰松蘿又唐蒙 釋草云唐蒙女蘿女蘿菟絲毛意

以菟絲為松蘿故言松蘿也陸璣疏云今菟絲蔓連草上生黃赤如金今合蒙菟絲子是也非松蘿

松蘿自蔓松上生枝正青與菟絲殊異事或當然

爾雅

釋草

唐蒙女蘿女蘿菟絲

註別四名詩云爰采唐矣 孫炎曰別三名郭云別四名則唐與蒙或并或別故三四異也詩經直言唐而傳云唐蒙也是以蒙解唐也則四名為得

下云蒙玉女郭云即唐也是又名玉女然則唐也蒙也女蘿也菟絲也玉女也凡五名詩頌弁云葛

與女蘿毛傳云女蘿菟絲陸璣云今菟絲蔓連草

第五四五冊 之〇五葉

上生黃亦如金今合藥菟絲子是也註詩云爰采唐矣鄙風桑中篇文也

蒙玉女

蒙即唐也女蘿別名

毛詩陸疏廣要

小雅類弁

葛與女蘿

女蘿今菟絲蔓連草上生黃亦如金今合藥菟絲子是也非松蘿松蘿自蔓松上生枝正青與菟絲殊異

女蘿爾雅云唐蒙女蘿女蘿菟絲註云別四名詩云爰采唐矣疏云孫炎曰別三名郭云別四名則唐與蒙或并或別故三四異也詩經直言唐而傳云唐蒙也是以蒙解唐也則四名爲得下云蒙玉女郭云即唐也女蘿別名是又名玉女鄭云即女蘿也然則唐也蒙也女蘿也菟絲玉女也凡五名詩類弁云葛與女蘿也埤雅在木爲女蘿在草爲菟絲舊說上有菟絲下必有伏菟之根無此菟在下則絲不得生乎上然其實不屬也淮南子曰下有伏苓上有菟絲詩曰葛與女蘿施于松柏言葛之爲物寄生而女蘿浮蔓尚得施于松柏可以人而不如乎且姓同本而生族同枝而出則與寄生浮蔓者異矣故詩以此駁王又曰菟絲無根而生蛇無足而行魚無耳而聽蟬無口而鳴皆自然者也爾雅異女蘿菟絲其實二物也然皆附木上廣雅云女蘿松蘿也菟丘菟絲也則是兩物今女蘿正青而細長無雜蔓故山鬼章云被薜荔兮帶女蘿

蘿蘿青而長如帶也何與菟絲事然兩者皆附木或當有時相蔓古樂府云南山幕幕菟絲花北陵青青女蘿樹由來花樹同一根今日枝條分兩處唐樂府亦云菟絲故無情隨風任顛倒誰使女蘿枝而來強繫抱兩草猶一人心不如草則古今多知其爲二物者博物志魏文帝所記諸物相似亂者女蘿寄生菟絲菟絲寄生木上根不著地然則女蘿有寄生菟絲上者爾雅女蘿菟絲或亦此義爾本草草部云菟絲子一名菟蘆一名菟縷一名唐蒙一名玉女一名赤網一名菟蘆生朝鮮川澤田野蔓延草木之上色黃而細爲赤網色淺而大爲菟蘆九月采實又木部云松蘿一名女蘿生熊耳山川谷松樹上五月采按毛公傳云女蘿菟絲松蘿也李善因古詩云與君爲新婚菟絲附女蘿註云二者異草毛公誤合爲一此與張揖同見但合參爾雅埤雅及郭鄭諸家俱以爲一物而異其名耳惟陸氏云女蘿非松蘿本草分菟絲入草部松蘿入木部似與陸氏合符然又云松蘿一名女蘿何耶此詩云葛與女蘿施於松上應是松蘿松蘿與女蘿菟絲原非異種總是依附纏綿於他物而生長不能自植者在草則附於草在木則附於木陸佃分在草曰菟絲在木曰女蘿亦非確見

毛詩名物解

唐

唐玉女也松枝化而生女蘿之生依乎松故又謂之蒙蒙蔽也蔽於松者也桑中之淫亂期於幽遠而志

在乎依所蔽者也故言唐類弁刺幽王之無親而與諸公典之無附著者也故言女蘿一物而別言之以二者亦此意歟詩集傳名物鈔

桑中一章

爾雅唐蒙女蘿女蘿菟絲註別四名疏唐與蒙或并或別別則四名也本草夏生苗如絲蔓草木上或云無根假氣而生實如蠶子爾雅又出一條曰蒙玉女注蒙即唐九見唐蒙之別傳唐蒙菜也從毛注也但唐非可食之物不知毛爲何以爲菜名

本草綱目

菟絲子釋名

掌禹錫曰按呂氏春秋云或謂菟絲無根也其根不屬地茯苓是也抱朴子云菟絲之草下有茯苓之根無此菟則絲不得生於上然實不屬也茯苓抽則菟絲死又云菟絲初生之根其形似兔掘取割其血以和丹服立能變化則菟絲之名因此也

陶弘景曰舊言下有茯苓上有菟絲不必爾也

蘇頌曰抱朴子所說今未見豈別一類乎孫炎釋爾雅云唐也蒙也女蘿也菟絲也一物四名而本草唐蒙爲一名詩云葛與女蘿毛萇云女蘿菟絲也而本草菟絲無女蘿之名惟松蘿一名女蘿豈二物皆是寄生同名而本草脫漏乎

朱震亨曰菟絲未嘗與茯苓共類女蘿附松而生不相關涉皆承訛而言也

李時珍曰毛詩注女蘿即菟絲吳普本草菟絲一名松蘿陸佃言在木爲女蘿在草爲菟絲一物殊別皆

由爾雅釋詩誤以爲一物故也張揖廣雅云菟丘菟絲也女蘿松蘿也陸璣詩疏言菟絲蔓草上黃赤如金松蘿蔓松上生枝正青無雜蔓者皆得之詳見木部松蘿下又菟絲茯苓說見茯苓下

集解

別錄曰菟絲子生朝鮮川澤田野蔓延草木之上九月采實暴乾色黃而細者爲赤澗色淺而大者爲菟藥功用並同

陶弘景曰田野墮落中甚多皆浮生藍紵麻蒿上其實仙經俗方並以爲補藥須酒浸一宿用宜丸不宜煮

大明曰苗莖似黃絲無根株多附田中草被纏死或生一葉開花結子不分明子如碎黍米粒八月九月以前采之

蘇頌曰今近道亦有之以菟句者爲勝夏生苗初如細絲遍地不能自起得他草梗則纏遶而生其根漸絕於地而寄空中或云無根假氣而生信然

李時珍曰按寧獻王庚辛玉冊云火從草即菟絲子陽草也多生荒園古道其子入地初生有根及長延草物其根自斷無葉有花白色嫩紅香亦襲人結實如枇杷而細色黃生於梗上尤佳惟懷孟林中多有之入藥更良

子修治

雷敩曰凡使勿用天碧草子真相似只是味酸漬并粘也菟絲采得去殼了用苦酒浸二日漉出以黃精自然汁相對浸一宿至明用微火煎至乾入日中燒熱鐵杵一搗三千餘杵成粉用之

李時珍曰凡用以溫水淘去沙泥酒浸一宿暴乾搗之不盡者再浸暴搗須臾悉細又法酒浸四五日蒸暴四五次研作餅焙乾再研末或云暴乾乾時入紙條數枚同搗即刻成粉且省力也

氣味

辛甘平無毒

徐之才曰得酒良薯蕷松脂爲之使惡蘿蔔

主治

本經曰續絕傷補不足益氣力肥健人

別錄曰養肌強陰堅筋骨主草中寒精自出溺有餘瀝口苦燥渴寒血爲積久服明目輕身延年

甄權曰治男女虛冷添精益髓去腰痛膝冷消渴熱中久服去面黧悅顏色

大明曰補五勞七傷治鬼交泄精尿血潤心肺

王好古曰補肝臟風虛

發明

雷敩曰菟絲子稟中和擬正陽之氣一草從樹感枝而成從中春上陽結實故偏補人衛氣助人筋脈

蘇頌曰抱朴子仙方單服法取實一斗酒一斗浸暴乾再浸又暴令酒盡乃止搗篩每酒服二錢日二服此藥治腰膝去風兼能明目久服令人光澤老變爲少十日飲啖如湯沃雪也

苗氣味

甘平無毒

玉冊云汁伏三黃硫汞結草砂

苗主治

本經曰研汁塗面去面黧

陶弘景曰按碎煎湯浴小兒療肺熱

附方

消渴不止菟絲子煎汁任意飲之以止爲度事林廣記

陽氣虛損簡便方用菟絲子熟地黃等分爲末酒糊丸梧子大每服五十九氣虛人參湯下氣逆沈香湯下

經驗方用菟絲子酒浸十日水淘杜仲焙研蜜炙一兩以薯蕷末酒煮糊丸梧子大每空心酒下五十九

白濁遺精伏兔丸治思慮太過心腎虛損真陽不固漸有遺瀝小便白濁夢寐頻泄菟絲子五兩白茯苓三兩石蓮肉二兩爲末酒糊丸梧子大每服三五十

九空心鹽湯下局方

小便淋瀝菟絲子煮汁飲范五

小便赤濁心腎不足精少血燥口乾煩熱頭暈怔忡菟絲子麥門冬等分爲末蜜丸梧子大鹽湯每下七十九

腰膝疼痛或頑麻無力菟絲子洗一兩牛膝一兩同入銀器內酒浸一寸五分暴爲末將原酒煮糊丸梧子大每空心酒服三二十九方脈

肝傷目暗菟絲子三兩酒浸三日曝乾爲末雞子白和丸梧子大空心溫酒下三十九方脈

身面卒腫洪大用菟絲子一升酒五升漬二三宿每飲一升日三服不消再造方脈

婦人橫生菟絲子末酒服二錢一加車前子等分聖惠方

眉鍊癖瘡菟絲子炒研油調傳之山房

穀道赤痛菟絲子熬黃黑爲末雞子白和塗之方脈

痔如蟲咬方同上

面瘡粉刺菟絲子苗絞汁塗之不過三上方

小兒頭瘡菟絲子苗煮湯頻洗之子

目中赤痛野狐藥草搗汁點之方

附錄難火蘭

陳藏器曰味酸溫無毒主冷氣風痺開胃下食去腹脹久服明目生已中胡國狀似菟絲子而微長

菟絲子部藝文一

菟絲贊

宋王微

皓蒼下居形絲上在中狀難覓其客龜蔡神仲少司保延幼艾終志不移柔紅可佩

菟絲子部藝文二

詠菟絲

齊謝朓

輕絲既難理細縷竟無纖爛漫已萬條連綿復一色安根不可知繁心終不測所貴能卷舒伊用蓬生直

古意

唐李白

君爲女蘿草妾作菟絲花輕條不自引爲逐春風斜百丈託遠松纏綿成一家誰言會面易各在青山崖女蘿發馨香菟絲斷人腸枝枝相糾結葉葉易飄揚生于不知根因誰共芬芳中巢雙翡翠上宿紫鸞鴛

若識二草心海潮亦可量

菟絲

元稹

人生莫依倚依倚事不成君看菟絲蔓依倚棒與荆刺棒易蒙密百鳥搭亂鳴下有狐兔穴奔走亦縱橫樵童斫將去柔蔓與之并翳曾生可取束縛死無名桂樹月中出珊瑚石上生俊鶴渡海食應龍升天行靈物本特達不復相纏縈纏縈竟何者荆棘與飛莖

菟絲

明薛蕙

根株不自立枝蔓爲誰飾偶同雜組文未比朱紱直園客何由整天女詎堪織暫附松柏枝終辭霜露色

菟絲子部選句

古詩與君爲新婚菟絲附女蘿

梁江淹詩菟絲附女蘿引蔓故不長菟絲及水萍

所寄終不移

唐喬知之詩南山羅蠹菟絲花

陸龜蒙詩教疎菟縷金絃亂自擁龍芻紫綠肥

宋朱熹詩菟絲附樸橄佳木生高岡弱蔓失所依佳

木徒蒼蒼

金雷瑄詩縣縣菟絲草

元許謙詩菟絲得所附裊裊挂千尺

菟絲子部雜錄

史記龜策傳下有伏靈上有兔絲上有壽蒼下有神龜所謂伏靈者在兔絲之下狀似飛鳥之形新雨已天清靜無風以夜指兔絲去之即以檠燭此地燭之火滅即記其處以新布四丈環置之明即掘取之入四尺至七尺得矣過七尺不可得

淮南子菟絲無根而生夜斧抽菟絲死

抱朴子按仙方中自有合離草一名獨搖一名離母所以謂之合離離母者小草爲物下根如芋魁有游子十二枚周環之去大魁數尺雖相須而實不連但以氣相屬耳如菟絲之草下有伏兔之根無此兔在下則絲不得生於上然實不屬也

酉陽雜俎菟絲子多近棘及蘿山居者疑二草之氣類也

漏籃子部彙考

釋名

虎掌

異日

木龍子

蛇犬臨

圖解

本草綱目

漏籃子釋名

李時珍曰此乃附子之瑣細未成者小而漏籃故名南星之最小者名虎掌此物類之故亦同名大明會典載四川成都府歲貢天雄二十對附子五十對烏頭五十對漏籃二十對不知何用

氣味

苦辛有毒

雷敷曰服之令人喪目

主治

李時珍曰惡痢冷漏瘡惡瘡癰風

發明

李時珍曰按楊士瀛直指方云凡漏瘡年久者復其元陽當用漏籃子輩加減用之如不當用而輕用之又恐熱氣乘虛變易結核而為害尤甚也又按類編云一人兩足生瘡臭潰難近夜宿五夫人祠下夢神授方用漏籃子一枚生研為末入膩粉少許井水調唾依法治之果愈蓋此物不堪服餌止宜入瘡科也

附方

一切惡痢雞下及休息痢百歲丸用漏籃子一箇大者阿膠木香黃連鷲粟殼各半兩俱炒焦存性入乳香少許為末糊九梧子大每一歲一丸米飲下

單天金衛

生實

九仙子部彙考

釋名

九仙子

綱目

仙女嬌

綱目

九仙子圖



本草綱目

九仙子集解

李時珍曰九仙子出均州太和山一根連綴九枚大者如鷄子小者如半夏白色二月生苗蔓高六七尺莖細而光葉如烏柏葉而短扁不圓每葉極生子枝或一或二蔓裊下垂六七月間碎青黃色花隨即結實碎子叢簇如穀精草子狀九月采根

氣味

苦涼無毒

主治

李時珍曰咽痛喉痹散血以新汲水或醋磨汁含嚥甚良

楂藤子部彙考

釋名

象豆

開寶

合子

拾遺

楂子

日華

楂藤子

綱目



檀藤子圖

稽含南方草木狀

檀藤

檀藤依樹蔓生如通草藤也其子紫黑色一名象豆三年方熟其殼貯藥歷年不壞生南海解諸藥毒本草綱目

檀藤子釋名

李時珍曰其子象檀形故名之

集解

陳藏器曰按廣州記云檀藤子生廣南山林間作藤著樹如通草藤其實三年方熟角如弓袋子如雞卵其外紫黑色其殼用貯丹藥經年不壞取其中仁入藥炙用

李時珍曰子紫黑色微光大一二寸圓而扁人多剔去肉作藥瓢垂於腰間也

仁氣味

滑甘平無毒

主治

陳藏器曰五痔蟲毒飛尸喉痹以仁為粉微熬水服

一二匕亦和大豆湊面去野鷄
開寶曰治小兒脫肛血痢瀉血並燒灰服或以一枚割瓢熬研空腹熱酒服二錢不過三服必效
李時珍曰解諸藥毒

附方

喉痹腫痛檀藤子燒研酒服一錢
五痔下血檀藤子燒存性米飲服二錢有功效
腸風下血華陀中藏經用檀藤子二箇不蛀皂莢子四十九箇燒存性為末每服二錢溫酒下少頃再飲酒一盞趁口服極效
聖惠方用檀藤子三枚厚重者濕紙七重包煨熟去殼取肉為末每服一錢食前黃芪湯下一服

附錄合子草

陳藏器曰子及葉有小毒主蠱毒及蛇咬搗傅瘡上蔓生岸旁葉尖花白子中有兩片如合子

預知子部彙考

釋名

仙棗

聖知子

盍合子

聖無憂

預知子

聖先子

仙沼子

預知子圖



本草綱目

預知子釋名

馬志曰相傳取子二枚綴衣領上遇有蠱毒則聞其有聲嘗預知之故有是名

李時珍曰仙沼疑是仙棗之訛

集解

馬志曰預知子有皮殼其實如皂莢子

蘇頌曰舊不著所出州土今淮蜀黔壁諸州皆有之作蔓生依大木上葉緣有三角面深背淺七月八月有實作房生青熟深紅色每房有子五七枚如皂莢子斑褐色光潤如飛蛾今蜀人極貴重之云亦難得采無時其根冬月采之陰乾治蠱其功勝於子也山民目為聖無憂

子仁氣味

苦寒無毒

大明曰溫雙仁者可帶

主治

開寶曰殺蟲療蠱治諸毒去病研服有效

大明曰治一切風補五勞七傷其功不可備述治痲
痺氣塊消宿食止煩悶利小便催生中惡失音髮落
天行瘟疫塗一切蛇蟲蠶咬治一切病每日吞二七
粒不過三十粒末瘥

根氣味

苦冷無毒

主治

蘇頌曰解蠱毒石曰搗節每用三錢溫水服立已

附方

預知子丸治心氣不足精神恍惚語言錯忘忪悸煩
鬱憂愁慘戚喜怒多恐健忘少睡夜多異夢寤即驚
驚或發狂眩暴不知人並宜服此預知子去皮白茯苓
枸杞子石菖蒲茯神柏子仁人參地骨皮遠志山
藥黃精蒸熟朱砂水飛等分爲末煉蜜丸芡子大每
嚼一丸人參湯下局方

耳卒聾閉八九月取石櫛開一孔留蓋入米醋滿中
蓋定麪裏慢火中煨熟取出入少仙治子黑李子末
取水滴耳中腦痛勿驚如此二夜又點一耳聖惠方

癩風有蟲眉落聲變預知子膏用預知子雄黃各二
兩爲末以乳香三兩同水一斗銀鍋煮至五升入二
末熬成膏瓶盛之每服一匙溫酒調下有蟲如尾隨
大便而出理嘉方

續隨子部彙考

釋名

拒冬開寶

續隨子開寶

千兩金日華

聯步綱目

千金子開寶

菩薩豆日華

續隨子圖



本草綱目

續隨子釋名

蘇頌曰葉中出葉數數相續而生故名冬月始長故
又名拒冬

集解

馬志曰續隨子生蜀郡處處亦有之苗如大戟
蘇頌曰今南中多有北土差少苗如大戟初生一莖
莖端生葉葉中復出葉花亦類大戟自葉中抽幹而
生實青有殼人家園亭中多種以爲飾秋種冬長春

秀秋實

李時珍曰莖中亦有白汁可結水銀

修治

李時珍曰凡用去殼取色白者以紙包壓去油取霜
用

氣味

辛溫有毒

主治

開寶曰婦人血結月閉瘀血癥瘕疰除蠱毒鬼疰
心腹痛冷氣脹滿利大小腸下惡滯物
蜀本日積聚痰飲不下食嘔逆及腹內諸疾研碎酒
服不過三顆當下惡物
大明曰宣一切宿滯治肺氣水氣日服十粒瀉多以
酸漿水或薄醋粥喫即止又塗疥癬瘡

發明

蘇頌曰續隨下水最速然有毒損人不可過多

李時珍曰續隨與大戟澤漆甘遂莖葉相似主瘰癧亦
相似其功皆長於利水惟在用之得法亦皆要藥也
葉及莖中白汁主治

開寶曰剝人面皮去黥點

大明曰傳白癰癰瘍

李時珍曰搗葉傳蠅螬立止

附方

小使不通臍腹脹痛不可忍諸藥不效者不過再服
用續隨子去皮一兩鉛丹半兩同少蜜搗作團瓶盛
埋陰處臘月至春末取出研蜜九梧子大每服二三
十九木通湯下化破尤妙病急亦可旋合聖濟錄

水氣腫脹聯步一兩去殼研壓去油重研分作七服
每治一人用一服丈夫生餅子酒下婦人荊芥湯五
更服之當下利至曉自止後以厚朴湯補之類與益
善忌鹽醋一百日乃不復作聯步即續隨子也方門
腸水腫脹續隨子炒去油二兩大黃一兩爲末酒水
丸綠豆大每白湯下五十九丸以去陳莖方元
涎積癥塊續隨子三十枚膩粉二錢青黛炒一錢研
勻糯米飯丸芡子大每服一九打破以大棗一枚燒
熟去皮核同嚼冷茶送下半夜後取下積聚惡物爲
效聖濟

蛇咬腫悶欲死用重臺六分續隨子仁七粒搗篩爲
散酒服方寸匕兼唾和少許塗咬處立效華元亮
黑子疣贅續隨子熟時塗之自落普濟